

中國科學技術典籍通彙

任繼愈 主編
河南教育出版社

地學卷三

中國科學技術典籍通彙

唐錫仁 主編
河南教育出版社

中國科學技術典籍通彙 地學卷

主 編 唐錫仁

編 委(以姓氏筆劃爲序)

王社強 張 平 唐錫仁 鄭錫煌

中國科學技術典籍通彙 地學卷 (第三分冊)

目 錄

星槎勝覽提要 (汪前進)	三—一
星槎勝覽 (明·費信)	三—三
瀛涯勝覽提要 (汪前進)	三—一九
瀛涯勝覽 (明·馬歡)	三—二一
素園石譜提要 (李仲均)	三—三三
素園石譜 (明·林有麟)	三—三五
廣志繹提要 (楊文衡)	三—三一
廣志繹 (明·王士性)	三—一三三
徐霞客遊記提要 (唐錫仁)	三—二二五
徐霞客遊記 (明·徐霞客)	三—二三五
廣陽雜記提要 (唐錫仁)	三—七〇一
廣陽雜記 (清·劉獻廷)	三—七〇七
讀史方輿紀要提要 (汪前進)	三—八七九
讀史方輿紀要 (清·顧祖禹)	三—八八一

《星槎勝覽》，明費信（一三八八——？）撰。費信，字公曉，吳郡崑山（今屬江蘇）人。年少充軍，從鄭和下西洋二十餘年。遍歷南洋西亞各國，以所聞見，約於正統元年（一四六三）撰成此書，約四萬餘字。

《崑山新陽合志》卷三十載：「（費）信每蒞番城輒伏几濡豪，叙綴篇章，標其山川夷類物候風習，諸光怪奇詭事，以儲採納，題曰《星槎勝覽》」。前集所記占城、賓童龍、靈山、崑崙山、交欄山、暹羅、爪哇、舊港、滿刺加、九州山、蘇門答臘、花面、龍牙犀角、龍涎嶼、翠藍嶼、錫蘭山、小呷喃、柯枝、古里、忽魯謨斯、刺撒、榜葛刺等二十二國。後集所記真臘、東西天竺、淡洋、龍牙門、琉球、三島、麻逸、假里馬達、重迦羅、淳泥、蘇祿、大呷喃、阿丹、佐法兒、竹步、木骨都束、溜洋、卜刺哇、天方、阿魯等二十三國，多採輯前人著述及傳譯。體例同《瀛涯勝覽》，分國記述其方位、行程、山川、物產、民族和風俗等，並咏以詩篇，為研究十五世紀東南亞、南亞、北非和中西交通的重要文獻。「錫蘭山國」今斯里蘭卡一門，首載鄭和永樂七年（一四〇九）奉使該地，並於迓里城佛寺立三種文碑，此碑現存倫敦，可補明史缺漏。又記爪哇國「地廣人稠」為東洋交通要衝，占城國以「生人膽製酒浴身」，及滿刺加受降於暹羅等，對研究古代東南亞經濟、交通、風俗和政治關係等有重要意義。

此書版本有《國朝典故》本、羅以智校傳明抄本、天一閣本（羅振玉影印）、《古今說海》本、《歷代小史》本、《紀錄匯編》本、《百名家書》本、《格致叢書》本、《學海類編》本、《借月山房彙抄》本、《遜敏堂叢書》本、馮承鈞《星槎勝覽校注》本。研究著作有容肇祖《星槎勝覽校後記》（《中大圖書館周刊》第三卷第一期，一九二八年六月）、日人北村松之助、國井清音《瀛涯勝覽星槎勝覽地名考》（《史學雜誌》第十四卷，一九〇三）、坪井九馬三《關於明古寫本星槎勝覽》（《史學雜誌》第二十九卷第七期，一九一八年）等。

本書據《借月山房彙抄》本影印。

星槎勝覽序

臣聞王者無外中天下而立定四海之民一視同仁篤近舉遠故視中國猶一人而夷狄之邦則以不治治之洪惟聖朝天啓文運太祖高皇帝龍飛九五波澤敷於中外德威振於萬邦太宗文皇帝繼統文明之治格于四表於是屢命正使大監鄭和王景宏侯顯等開道九夷八蠻欽賜璽書禮幣皇風清穆覃被無疆天之所覆地之所載莫不貢獻臣服三五之世不是過矣皇上嗣登大寶詔止海舶及遠征之役蓋以國家列聖相繼奕

星槎勝覽序

葉重光治化隆盛而遠夷小醜或梗皇化則移師薄伐使不忘武備以鞏固鴻基爲萬世之宏規也皇上恭繫思道端拱而治守盈成之運垂無窮之業得時措之宜也臣本吳東鄙儒童茅下士以先臣戍太倉未幾而蚤世於是臣繼戍役至永樂宣德間選隨中使至海外經諸番國前後數四二十餘年歷覽風土人物之宜采輯圖寫成帙名曰星槎勝覽不揣膚陋輒敢自敘其首一覽之餘則中國之大華夷之辨山川之險易物產之珍奇殊方末俗之卑陋可以不勞遠涉而盡在目中矣夫

王者無外王德之懷以不治治之王道之用若然將見治化之效聲教所及暴風不作海波不揚越裳肅慎之民曰中國有聖人在上白雉楛矢之貢不期而至矣正統元年丙辰春正月吉日臣費信稽首謹序

星槎勝覽序

星槎勝覽目錄

卷第一

古城國

靈山

崑崙山

賓童龍國

真臘國

暹羅國

假馬里丁

交欄山

瓜哇國

舊港

重迦羅

吉里地悶

卷第二

星槎勝覽目錄

滿刺加國

麻逸東

彭坑

東西竺

龍牙門

龍牙加貌

九州山

阿魯國

淡洋

卷第三

蘇門答刺國

花面國王

龍涎嶼

翠藍嶼

錫蘭山國

溜山洋國

天葛蘭國

小葛蘭國

柯枝國

古里國

卷第四

榜葛刺國

卜刺哇國

竹步國

木骨都東國

阿丹國

刺撒國

佐法兒國

忽魯謨斯國

天方國

星槎勝覽目錄

星槎勝覽卷一

明 費 信著

占城國

靈山

崑崙山

賓童龍國

真臘國

暹羅國

假馬里丁

交欄山

瓜哇國

舊港

重迦羅

吉里地閣

占城國

永樂七年太宗皇帝命正使太監鄭和、王景宏等統官兵二萬七千餘人駕海舶四十八號往諸番國開闢賞

星槎勝覽卷十

賜是歲秋九月自太倉劉家港開船十月至福建長樂太平港停泊十二月於五虎開洋張十二帆順風十晝夜至占城國其國臨海有港曰新州西抵交趾北連中國地海船到彼其酋長頭戴三山金花冠身披錦花手巾臂腿匹腕俱以金鑄足穿玳瑁履腰束八寶方帶如粧塑金剛狀乘象前後擁番兵五百餘或執鋒刃短鎗或舞皮牌槌鼓吹椰鼓筒其部領皆乘馬出郊迎詔下象膝行匍匐感恩奏貢方物其國所產巨象犀牛甚多象牙犀角廣貨別國棋楠香在一山所產酋長差人禁

星槎勝覽卷十

民不得採取犯者斷其手烏木降香樵之爲新天無霜雪氣候常熱如夏草木長青隨花隨結煮海爲鹽禾稻甚薄國人惟食檳榔裏葉包蘆殼灰行住坐臥不絕於口不解正朔但看月生爲初月晦爲盡如此十次盈虧爲一歲晝夜善槌鼓十更爲法酋長及民下非至于不起非至于不睡見月則飲酒歌舞爲樂酋長所居屋宇門牆俱甄灰贅及以堅木雕鏤獸畜之形爲華外周磚垣亦有城郭兵甲之防禦鏃刀標之屬其部領所居亦分等第門高有限民下編茅覆屋魚不腐爛不食鹽不生蛆不爲美酒以米拌藥丸乾和入甕中封固如法收藏日久其糟生蛆爲佳醞他日開封用長節竹幹三四尺者插入糟甕中或圍坐五人量人入水多寡輪次吸竹引酒入口吸盡再入水若無味則止有味留封再用酋長歲時採生人膽入酒中與家人同飲又以浴身謂之通身是膽尸頭蠻者本是婦人但無瞳人爲異其婦與家人同寢夜深飛頭而去食人穢物飛回復合其體卽活如舊若知而封固其項或移體別處則死矣人有病者臨歿時適之妖氣入腹必死此婦人亦罕有民

間有而不報官者罪及一家番人戲之觸弄其頭必有生死之恨男女椎髻腦後花布纏頭上穿短布衫腰圍花布手巾其國無紙筆以羊皮撻薄黑削細竹爲筆蘸白灰書字若蚯蚓委曲之狀言語燕駮全憑通事傳譯

靈山

其處與占城山地連接其山峻嶺而方有泉下繞如帶山頂有一石塊似佛頭故名靈山民居星散結網爲業田肥耕種一歲二收氣候之節男女之禮與占城國大

星槎勝覽卷一

三

同小異地產黑文相對藤杖每條易斗錫一塊若巖大而紋疎者一錫易杖三條次有檳榔葉餘無異物往來販舶必於此樵汲舶人齋沐三日崇佛誦經燃放水燈綵船以禳人船之災

崑崙山

其山節然瀛海之中與占城及東西竺鼎峙相望山高而方山盤廣遠海人名曰崑崙洋凡往西洋販舶必待順風七晝夜可過俗云上怕七洲下怕崑崙針差失人船莫存此山產無異物人無居處而食山果魚蟹

居樹巢而已

寶童龍國

其國與占城山地連接有雙澗水澄清佛書所云舍衛乞食卽此地也目連所居遺址尙存人物風土草木氣候與占城大同小異惟喪事能持孝服設佛而度死者擇僻地葬之婚姻偶台酋首出入或象或馬一如占城于從者前後百餘人執質讚唱曰亞曰僕地產棋楠香象牙貨用金銀花布之屬民下編茅覆屋以居

真臘國

星槎勝覽卷一

四

自占城順風三晝夜可至其國門之南爲都會之所有城池周七十餘里石河廣二十餘丈殿宇三十餘所凡歲時一會則羅列玉環孔雀白象犀牛於前名曰百塔洲金盤金碗盛食諺云富貴真臘也氣候常熱田禾足煮海爲鹽風俗富饒男女椎髻穿短衫圍裙布法有刺刺配犯盜則斷手足番人殺唐人則償命唐人殺番人則罰金無金賣身贖罪地產寶蠟犀象孔雀沉香蘇木大風子油翠毛貨用金銀燒珠錦段絲布之屬

暹羅國

自占城順風十晝夜可至其國山形如白石峭礪周千里外山崎嶇內嶺深邃田平而沃稼穡豐熟氣候常熱風俗勁悍專尚豪強侵掠鄰境削檳榔木爲標鎗水牛皮爲牌藥鐵等器慣習水戰男女椎髻白布纏頭穿長衫腰束青花手巾其上下謀議大小事悉決於婦其男一聽苟合無序遇中國男子甚愛之必置酒飲待歡歌留宿婦人多爲尼姑道士能誦經持齋服色畧似中國亦造菴觀能重喪禮人死氣絕必用水銀灌養其屍而後擇高阜之地設佛事葬之釀林爲酒煮海爲鹽地產

星槎勝覽

卷一

五

羅斛香大風子油蘇木犀角象牙翠毛黃蠟以海貳代錢每一萬箇准中統鈔二十貫貨用青白花磁器印花布色絹色段金銀銅鐵水銀燒珠雨傘之屬其酋感慕天朝遠惠嘗遣使捧金葉表文貢獻方物

假馬里丁

其方與交欄山相望海洋中山列翠屏引溪水溉田禾穀少收氣候常熱俗習薄男子髡髮穿竹布短衫圍梢布種芭蕉採其實以代糧煮海爲鹽釀蔗爲酒地產玳瑁羚羊貨用瓜哇布燒珠印花布米穀之屬

交欄山

自占城靈山起程順風十晝夜可至其山高而叢林藤竹舵桿桅檣蓬簑無所不備故元時命將高興史弼領兵萬衆駕巨舶征閩婆因遭風至交欄山下其船多損乃登此山造船百號復征閩婆擒其酋長而歸至今居民有中國人雜處蓋此時病卒百餘留養不歸遂傳育於此氣候常暑少米穀以射獵爲業男女椎髻穿短衫繫巫裔布地產豹熊鹿皮玳瑁貨用米穀五色絹青布銅器青碗之屬

星槎勝覽

卷一

六

瓜哇國

古名閩婆自占城起程順風二十晝夜可至其國地廣人稠甲兵爲東洋諸番之雄舊傳鬼子魔天與一罔象青面紅身赤髮相合凡生子百餘常食啖人血肉佛書所云鬼國卽此地也其中人被啖幾盡忽一日雷震石裂中坐一人衆稱異之遂爲國主卽領餘眾驅逐罔象而除其害復生齒安業至今其國之遺文後書一千三百七十六年考之肇在漢時至我大明宣德七年吳其港口入去馬頭曰新村居民環接編茅植葉覆屋店

通行爲市買賣其國富饒珍珠金銀鴉石貓睛青紅等石瑱瑱瑪瑙玳瑁椰子花木香青藍無所不有蓋通商旅最衆也其鷓鴣哥孔雀能學言語歌曲其倒掛鳥身形如雀而羽五色日間焚好香則收而藏之羽翼間夜則張尾翼而倒掛以放香民好兒強生子一歲便以匕首佩之名曰不刺頭以金銀象牙雕琢爲靶凡男子老幼貧富皆佩於腰間若有爭鬻卽拔刃相刺殺殺人逃三日而出卽無事矣男子裸頭裸身腰圍單布手中能飲酒重財輕命婦人亦然惟項金珠聯紉帶

星槎勝覽

卷一

七

之兩耳塞菱樟葉團於竅中其喪事凡主翁病死婢妾輩相對而誓曰死則同往臨殯之日妻妾奴婢皆滿頭簪草花披五色手巾隨屍至海邊或野地昇屍於沙地俾衆大食盡爲好如食不盡則悲歌號泣堆柴於旁衆婦坐其上良久乃縱火燒柴而死蓋殉葬之禮也蘇魯馬益一地名也爲市聚貨商舶米糧港口有聚胡獠數百相傳唐時其家五百餘口男婦兇惡忽一日有僧至其家與吉凶之事其僧取水與之俱化爲猿猴止留一老嫗不化今存舊宅土人及商者常設飯食饋饌花果

內類以祭之不然則禍甚驗也杜板一村之地名也海濱有水一泓甘淡可飲稱爲聖水元時使將史弼高興征其國經月不下舟中乏水糧盡二將拜天祝曰奉天伐蠻若天與我水卽生不與則死遂搗鎗賊苦海中其泉隨鎗湧起水味甘甜衆軍汲而飲之乃令曰天賜助我可力戰也兵威由是大振噉聲奮擊番兵百萬餘衆悉敗走乘勝長驅生擒番人烹而食之至今稱中國能食人也遂獲酋長以歸旣罪釋放還仍封爲瓜哇國王我朝太宗文皇帝遣正使太監鄭和等捧詔勅賞賜

星槎勝覽

卷一

八

國王王妃及部領村主咸受天賜其國王遣使絡繹進貢方物

舊港

古名三佛齊國自瓜哇順風八晝夜可至其處自港口入去田土甚肥倍於他壤古云一年種穀三年生金言其米穀盛而多貿金也民故富饒俗喜好姪水戰甚慣其處水多地少部領者皆在岸造屋居之周圍皆供從住宿其餘民庶皆於木筏上蓋屋而居以木椿拴間或水長則筏浮起不能沒也或欲別居起椿去之連屋移

從不勞財力今爲瓜哇所轄風俗與瓜哇大同小異地產黃熟香速香降香沉香黃蠟鶴頂之類貨用燒煉五色珠青白磁器銅鼎五色布絹色段大小磁甕銅錢之屬永樂十三年鄭和等統舟師往諸番國海寇陳祖義等聚衆於三佛齊國抄掠番商欲來犯我舟師和等伏兵敗之生擒厥魁獻俘闕下由是薄海內外罔不清肅

重迦羅

其地與瓜哇界相接高山奇秀內有一石洞前後三門可容一二萬人田穀與瓜哇畧同氣候常暑風俗頗淳

星槎勝覽卷一

九

男女撮髻身披單布長衫圍梢布手巾無酋長以年高有德者主之煮海爲鹽釀秫爲酒地產羚羊鸚鵡木綿椰子綿紗貨用花銀花絹其處約去數日水程曰孫陀羅琵琶地曰丹重曰圓嶠曰彭里不事耕種專尙寇掠與吉陀崎諸國相通所以商船少能至矣

吉里地悶

其國居重迦羅之東連山茂林皆檀香樹無別產馬頭商聚十二所有酋長田肥穀盛氣候朝熱暮寒男女斷髮穿短衫夜臥不蓋其體商船到彼皆婦女到船交易

人多染疾病十死八九蓋其地瘴氣及其姪汚之故也貨用金銀鐵器磁碗之屬

星槎勝覽

卷一

十

星槎勝覽卷二

滿刺加國

麻逸凍

彭坑

東西竺

龍牙門

龍牙加貌

九州山

阿魯國

淡洋

滿刺加國

其處舊不稱國自舊港順風八晝夜可至其國傍海山孤人少受弱於暹羅每歲輸金四十兩爲稅田瘠少收內有山泉流爲溪於溪中淘沙取錫煎成塊曰斗錫每塊重官秤一斤四兩及織芭蕉心簞惟以斗錫通市無

星槎勝覽卷二

他產氣候朝熱暮寒男女椎髻身膚黑漆間有白者唐人種也俗尚淳厚民淘錫網魚爲業屋如樓閣而不鋪板但用木高低層布連床就榻箕踞而坐飲食厨厨具在上貨用青白磁器五色燒珠色絹金銀之屬永樂七年鄭和等捧詔勅賜銀印冠帶袍服建碑封爲滿刺加國暹羅始不敢擾十三年酋長感慕聖恩挈妻子涉海入朝貢方物賞勞之使歸國

麻逸凍

其處在交欄山之西南洋海中山峻地平夾溪聚村落

而居氣候稍熱男女椎髻穿長衫圍色布田膏腴倍收他國尚節義婦喪夫則削髮髻面絕食七日夫死同寢多有並逝者七日不死則親戚勸以飲食若得甦終身不再嫁矣至焚夫日多赴火死煮海爲鹽釀蔗爲酒產木綿黃蠟玳瑁檳榔花布貨用銅鼎鐵塊五色布絹之屬

彭坑

其處在暹羅之西石崖周匝崎嶇遠望山平如寨田沃米穀豐足氣候溫風俗尙怪刻香木爲人殺人血祭禮

星槎勝覽卷二

求福禳災男女椎髻繫單裙富家女子金圈四五飾于頂髮常人五色燒珠穿圈煮海爲鹽釀漿爲酒地產黃熟香沉香片腦花錫降香貨用金銀色絹瓜哇布銅鐵器鼓板之屬

東西竺

其山與龍牙門相望海洋中山形分對嵯峨若蓬萊萬丈之間田瘠不宜稼穡歲藉諸邦淡洋米穀以食氣候不齊煮海爲鹽鹽椰子爲酒男女斷髮繫利布地產檳榔木綿布蕉心簞貨用花錫胡椒鐵器之屬

龍牙門

其處在三佛齊西北山門相對若龍牙狀中通船過山田瘠米穀甚薄氣候常暑四五月淫雨男女椎髻穿短衫圍梢布攜掠為豪遇番船則以小舟百數迎敵若順風僥倖而脫否則被其劫殺舟客于此防之

龍牙加貌

其地離麻逸凍順風三晝夜程內平而外峯民蟻附而居氣候常熱田禾勤熟俗尚敦厚男女椎髻圍麻逸凍布穿短衫以親戚尊長為重一日不見則攜酒殷問安

星槎勝覽卷二

煮海為鹽釀秫為酒地產沉速降香黃蠟鶴頂蜂蜜砂糖貨用印花布八察都布青白花磁器之屬

九州山

其山與滿刺加近產沉香黃熟香林木叢生枝葉茂翠永樂七年鄭和等差官兵入山採香得徑有八九尺長六七丈者六株香味清遠黑花細紋山人張目吐舌言我天朝之兵威力若神

阿魯國

其國與九州山相望自滿刺加順風三晝夜可至其國

風俗氣候與蘇門答刺大同小異田瘠少收盛種芭蕉椰子為食男女裸體圍梢布常駕獨木舟入海捕魚入山採米脂香物為生各持藥鏃弩防身地產鶴頂片米糖腦以售商舶貨用色段色絹磁器燒珠之屬

淡洋

其處與阿魯山地連接去滿刺加三日程山遶周圍有港內通大溪汪洋千里奔流出海清淡味甘舟人過往汲之名曰淡洋田肥禾盛米粒尖小炊飯甚香地產香民俗頗淳氣候常熱男女椎髻腰圍梢布貨用金銀鐵器磁器之屬

星槎勝覽卷二

星槎勝覽卷三

蘇門答刺國

花面國王

龍涎嶼

翠藍嶼

錫蘭山國

溜山洋國

大葛蘭國

小葛蘭國

柯枝國

古里國

蘇門答刺國

古名須文達那自滿刺加順風九晝夜可至其國傍海村落田疇少收胡椒蔓生延蔓附樹枝葉如扁豆花間黃白結椒纍垂如椶櫚子但粒小耳番秤一播苛抵我星槎勝覽卷三

卷三

官秤三百二十斤價銀錢二十箇重銀六兩金抵納即金錢也每二十箇重金五兩二錢風俗頗淳民網魚爲生朝駕獨木剝舟張帆出海暮則回舟男子髮纏白布腰圍梢布婦女椎髻裸體腰圍色布手巾其瓜茄一種五年結小再種橘柚酸甜之果常花常結其有一等瓜皮若荔枝如瓜大未剖之時甚臭如爛蒜剖開如囊味如酥油香甜可口煮海爲鹽釀菱棹子爲酒貨用青白磁器銅鐵瓜哇布色絹之屬永樂十一年僞王蘇門答刺寇侵本國酋長遣使赴闕陳訴請救太宗皇帝命鄭和

等就率官兵勦捕生擒僞王至永樂十三年歸獻闕下諸番震服

花面國王

其國與蘇門答刺鄰境傍南巫里洋遙迤山地田足稻禾氣候不常風俗淳厚男子皆以墨刺面爲花獸之狀獠頭裸體單布圍腰婦女圍色布披手巾椎髻腦後地多出牛羊雞鴨羅布強不奪弱上下自耕而食富不驕貧不盜可謂善地矣地產香味青蓮花近布那姑兒一山產硫黃我朝海船駐札蘇門答刺差人船於其山採星槎勝覽卷三

卷三

取硫黃貨用段帛磁器之屬其酋長感慕恩賜常貢方物

龍涎嶼

望之獨峙南巫里洋之中離蘇門答刺西去一晝夜程此嶼浮灤海面波激雲騰每至春間羣龍來集於上交戲而遺涎沫番人擎駕獨木舟登此嶼採取而歸或風波則人俱下海一手附舟旁一手揖水而得至岸其龍涎初若脂膠黑黃色頗有魚腥氣久則成大塊或大魚腹中刺出若斗大亦覺魚腥焚之清香可愛貨於蘇門

答判之市官秤一兩用彼國金錢十二箇一斤該金錢一百九十二箇准中國銅錢九千箇價亦非輕矣

翠藍嶼

其山在龍涎之西北五晝夜程大小七門門中皆可過船傳聞釋迦佛昔經此山浴於水被竊其袈裟佛誓云後有穿衣者必爛其皮肉由此男女今皆削髮無衣止用樹葉紉結而遮前後米穀亦無惟下海網魚鰕及種芭蕉椰子爲食然船去未嘗得泊山下宣德壬子十月二十二日因風水不偶至此山泊繫三日夜山中之人星槎勝覽卷三

錫蘭山國

其國自蘇門答刺順風十二晝夜可至其國地廣人稠貨物多聚亞於瓜哇中有高山參天山頂產有青美藍石黃鴉鵲石青紅寶石每遇大雨衝流山下沙中拾取之其海旁有珠簾沙常以網取螺蚌傾入池中作爛淘珠貨之海邊有一盤石上印足跡長三尺許常有水不乾稱爲先世釋迦佛從翠藍嶼來登此山足躡其迹至今尚存也下有寺稱爲釋迦佛涅槃真身側臥在寺亦

有舍利子在其寢處氣候常熱民俗富饒米穀豐足地產寶石真珠龍涎香乳香貨用金錢銅錢青花白磁器色段色絹之屬男女繞頭穿長衫圍單布永樂七年鄭和等齎詔勅金銀供器綵粧織金寶幡布施於寺及建石碑賞賜國王頭目其王亞烈苦奈兒負固不供謀害舟師太監鄭和潛備先發制之使衆銜枚疾走夜半聞砲則奮擊而入生擒其王至永樂九年歸獻闕下尋蒙恩宥俾復舊國由是西夷畏威懷德莫不向化矣

溜山洋國

自錫蘭山別羅里南去順風七晝夜可至其山海中天巧石門有三遠望如城門中可過船溜山有八沙溜官喚溜人不知溜起來溜麻里溪溜加平年溜加安都里溜其八處網捕溜洋大魚作塊曬乾以代糧食男子穿髮穿短衫圍布風俗舊強地產龍涎香貨用金銀段帛磁器米穀之屬其酋長威慕聖恩常貢方物傳聞又有三萬八千餘溜山即弱水三千之說也亦有人聚巢居穴處不識米穀但捕魚蝦爲食裸形無衣惟紉樹葉遮其前後若商舶因風落其灣人船不可復矣